

Wunderwertck Ihesu Christi/

als er auff dem Meerwasser wandelt / Windt/
 Meer/ vnd Ungewitter stillt / den sinkenden Petrum er
 hielt / sein Volck an das sicher gestad hindurch führet/
 vnd die Krancken geheylet / Matth. 14.
 Marci 6.



Als Ihesus die Schar abgefertigt / vnd sie
 abschaffet / gieng er hin / vnd ist wider auff
 gestiegen auff den Berg / zu behuten / Er al-
 lein / Vnd da es spat worden / war er allein
 daselbst. Als es abend war / sind seine Jün-
 ger in das Meer gestiegen. Vnd als sie in das Schiff
 gesessen / sind sie auff Capernaum gefahren / Es war fin-
 ster / vnd Ihesus war noch nicht zu jnen kommen. Da
 ein grosser Wind wehet / ward das Meer vngestümm /
 Das Schiff war jetzt mitten im Meer / es litt not von
 Meerwellen / Vnd er sahe daß sie gearbeytet mit Ru-
 dern / dann der Windt war jnen entgegen.

Vmb die vierdt Nachtwacht gieng Ihesus hin/
 3

